





Digitized by the Internet Archive  
in 2019 with funding from  
Wellcome Library

[https://archive.org/details/b30777537\\_0002](https://archive.org/details/b30777537_0002)



DISSERTATIO INAUGURALIS MEDICA  
DE

IMMODERATA  
HÆMORRHOIDVM  
FLVXIONE

QVAM

DIVINIS AVSPICIIS

PRÆSIDE

DN. FRIDERICO HOFFMANNO

ORDINIS MEDICI SENIORE

ET h. t. DECANO

PRO DOCTORIS GRADV

SVMMISQVE IN MEDICINA PRIVILEGIIS RITE  
OBTINENDIS

*Ad. d. Julii A. AE. C. MDCCXXX.*

Publicæ eruditorum disquisitioni exhibebit

MICHAEL FRIDERICVS GEVSSENHAINER

RODA-MISNENSIS.

---

HALÆ MAGDEBVRGICÆ,

Typis JOH. CHRISTIANI HILLIGERI, Acad. Typogr.









DISSERTATIO INAUGVRALIS MEDICA.  
DE  
**HAEMORRHOIDALI**  
**FLVXV NIMIO.**

**PRAEFATIO.**



Aturæ, quæ optima vitæ tu-  
trix est morborumque medica-  
trix, beneficio evenit, ut excre-  
tionibus, quæ ipsius legibus ac  
ordini alias non adeo sunt con-  
formes, vita ac sanitas subinde  
servetur, & salutari admodum ra-  
tione, mo hi tum arceantur, tum abigantur. No-  
bili exemplo spontaneæ sunt hæmorrhagiæ, maxi-  
meque illa, quæ in nobiliori sexu per recti intestini



vasa succedit, dicta hæmorrhoidalis. Huius salubritatem celebrarunt passim Medici, loquuntur lippi ac tonsores & novit nemo non, quin Germanis eo propter vena audit plane aurea, *die güldene Ader*. Neque etiam negandum, hoc sanguinis ex ano stillicidium, si stato tempore, ordine, mensura, modo ac temperamento legitimum succedit, ad sanitatem tuendam multosque graves morbos persanandos, utilitatis esse longe excellentissimæ. Solvit quippe infaniam, melancholiam aliosque capitis morbos; solatur hypochondriacos, arthriticos & podagricos; & morbis ex renum vitio levamen affert eximium. Neque tantum utilem sanguineum humorem redundantem educit, sed & corruptum atque stagnantem, ac lienis, hepatis & mesenterii totius cacochymiam expurgat eorundemque infarctus expedit. Quin ipsam succorum impuritatem ac pravam indolem emendat, eaque propter morbis inde oriundis, scorbuto, ulceribus, lepræ aliisque cutis defœdationibus, medetur egregie. Interim quam salutare naturæ humanæ est hoc remedium, tam rarum est, ut recte succedat, ratione temporis, modi & quantitatis. Multiplici potius in comperto est experientia, fluxum hunc in permultis, quibus naturalis ad eundem est inclinatio, hæreditaria dispositio, aut plane assuetudo, subinde restitäre, supprimi, ab ordine debito desciscere & cum dolore multisque incommotis succedere, haud raro etiam esse nimium, & sanguinem, qui tamen vitæ viriumque pabulum,

majo-



majori quam par est copia, profundere. Experientur certe quam maxime ii, qui in artis exercitio versantur, quantum negotii facessat medenti, quantumque artem, ingenium & iudicium exerceat inordinatus hæmorrhoidum fluxus. Hinc recte utique frequenti sermone inculcavit D. PRÆSES: illum demum dicendum esse Medicum præstantem, qui mensium fluxum in muliebri, & hæmorrhoidum in virili sexu, arte, consilio, & auxilio, recte excipere norit. Etenim sicuti ex cohibitis & parcius fluentibus hæmorrhoidibus plura & gravia in sanitatem redundant damna; ita iisdem effusius fluentibus, magna etiam & multa impetunt valetudinis incommoda. Nec minor Medici ad sistendum & compescendum hæmorrhoidalem fluxum requiritur peritia atque prudentia, quam quidem ad eundem ciendum ac eliciendum. Quum igitur tanti momenti hocce sit negotium, placuit nobis jam ejusdem disquisitionem paullo curatius suscipere & in specimine hoc inaugurali *de hæmorrhoidibus nimium profusis* ita differere, ut prius indolem, symptomata & causas ipsius excutiamus, dein quo pacto, quibus remediis quibusque cautionibus in medicatione sit excipiendus tradamus, ac tandem selectis nonnullis observationibus specialius omnia illustremus ac confirmemus. Faxit æternum Numen ut labor in ipsius gloriam multorumque emolumentum cedat feliciter.



## THESES PATHOLOGICÆ.

## I.

**N**on omnis liberalior sanguinis per sedis venas secessus, pro eo, qui præter & extra naturæ legem fit ac nimius est, habendus; sed considerata vasa, corporis habitus, vires, ætas ac temperamentum. Non enim infrequens, quod ea sanguinis effusi quantitas, quæ certis corporibus legitima est ac salutaris, aliis vicissim fit nimia ac perniciofa. Neque etiam omnis solito largior, a mole sanguinis valde aucta eaque paullo impensius commota, suscitatus hæmorrhoidalis fluxus, censendus est morbosus & medicina excipiendus, sed is demum, qui diutius insistit, & ita vires posternit, ut appetentia, laudabilis alimentorum digestio, nutritio aliæque functiones lædantur, ac metus sit, ne via ad graves & chronicas passiones pandatur.

II. Nimium hæmorrhoidum fluxum antecedunt ut plurimum & comitantur hæc: dorsi & lumborum gravativus pressoriusque dolor, interdum crurum stupor, extimarum partium cum levi horripilatione constrictio, vasorum subsidentia, pulsus durior & constrictior, oris fauciumque siccitas, urina parrior & frequentius pallida, frequens ad mejendum & desidendum stimulus, cum muci albi & biliosi exclusionem, ac senioribus magisque imbecillis accidit præterea ani procidentia.

III. Sanguis in nimio hoc profluvio ater plerumque in principio excernitur valdeque grumolus,



sus, interdum etiam in frusta quæ palmam manus æquant coactus e varicosis vasis vacuatur; postea sequitur rubicundus & demum admodum serofus, quandoque pituitosus, sive mucus albuminis ovi speciem habens. Copia sanguinis excreti nonnunquam oppido magna, ac uti MONTANVS notavit, quotidie duas libras, vel uti PANAROLLVS vidit, quotidie libram, æquat. Diu etiam sæpe infistit profluvium, idque per integrum mensem, viginti, quin quadraginta quinque dies factum esse, observatorum fide dignorum testimonio constat.

IV. Sanguinis per intestinum rectum excretio omnis fit per vasa sic dicta hæmorrhoidalia. Externæ tamen hæmorrhoides rarius fluunt, sed in varices dolorificas facile abeunt, quæ apertæ sanguinem plorant, neque tamen crebro nimium fundunt. At internæ hæmorrhoides, quæ propagines sunt splenici rami, & ad intestini recti interiorem substantiam, quin aniusque sphincterem porriguntur, unacum arteriolis ex mesaraica inferiori productis, non modo fluxus effusioris fontem præbent, sed & suppressæ, morbos, qui ex labe hepatis, lienis, pancreatis, mesenterii & intestinorum fiunt, ingenerant.

V. Ipse fluxus immediate & proxime per arteriolarum ramos sanguine nimium distentos tandemque disruptos contingit. Neque tamen ex toto negandum, e vena etiam hæmorrhoidali, propter læsam quæ ipsi cum arteria est anastomofin, multum sanguinis ibi collecti & sæpe vitiosi prodire. Pate-





Patefacta enim sic via, valvulæ egressum ibi impedi-  
entes defunt, & si vel maxime essent, varicosa tamen  
venarum habitudo multum & valvularum situm im-  
mutet necesse est.

VI. Salutarem illam per sedis venas sanguinis  
evacuationem, difficiliore per hæmorrhoidales ve-  
nas, ob situm earundem perpendicularem, progressu,  
& ad portæ venam ipsumque hepar reditu, in acce-  
ptis ferendam esse, & quando vasorum in recto extre-  
ma ab accumulato ibi sanguine nimis diducta ape-  
riuntur tandem atque dehiscunt contingere, inter  
omnes constat. Vnde qui excedentis etiam & per-  
niciosi hæmorrhoidalis fluxus causam atque origi-  
nem ab impedito sanguinis per hæmorrhoidales &  
mesaraicas venas ipsumque hepatis viscus motu  
progressivo repetit, is minime a vero aberrat. Te-  
statum id sane faciunt observationes anatomico-  
practicæ, quibus confirmatur, illum venæ hæmor-  
rhoidalis ramum, qui juxta coli tractum excurrit ad  
anum, multo quam quidem secundum naturam esse  
suevit, ac vel triplo ampliore, in iis qui hæmor-  
rhoidum excessu perierunt, offendi. Etenim quo  
major sanguinis per arterias est affluxus & segnior  
per venas refluxus, eo magis a collecto sero & san-  
guine fibræ laxantur, vasorum alvei diducuntur &  
labefactato sic magis magisque partium tono ac ro-  
bore, profluvium diutius durat, facilius etiam re-  
crudescit.

VII. Quæcunque igitur sanguinem ingignunt  
nimium,



nimum, ejusdemque per portæ ramos commeatum remorantur, aut etiam copiosiore ad loca hæmorrhoidalia affluxum invitant, ad hæmorrhoidalem tam moderatum, quam etiam immoderatum fluxum disponunt. Hinc est, quod qui laxum, spongiosum, obesum, plurimis vasis sanguine turgidis distinctum corporis obtinent habitum, qui lauto fruuntur victu, vitæ genus colunt sedentarium motusque expers, & a majoribus hoc morbo affectis prognati, hæmorrhoidum excessui quam maxime sint obnoxii. Eandem quoque ob causam accidit, quod acriora purgantia, aloëtica crebrius usurpata, calidorum ciborumque aromaticorum, nec non potus vinosi dulcis atque potentis liberalior usus, venæsectiones in pede, item omiſſæ ſuetæ ſanguinis ſubtractiones, animi & corporis, maxime per equitationem, commotio impensior, aliaque id genus plura, ut impetant hic sanguinis fluxus præternaturalis, faciant.

IIIX. Ceterum periculofum utique est effufius hoc ſanguinis hæmorrhoidalis profluvium. Inde enim vires convelluntur, corpus marceſcit, femora gravantur, ſomnus fit laborioſus, præcordia gravativo ſenſu anguntur, venter cum borborygmis tumet ac pulſus micat debilis. Vrgente poſtea diutius fluxu, pedes circa malleolos intumeſcunt, facies item & oculi, color fit luridus ac plumbeus, ſpiritus arctius meat, & poſtremo in cachexiam, hydropem, lentam & hecticam febrem fit tranſitus.



IX. Exitialis hæmorrhoidum excedentium eventus certius imminet, si tumor hepatis, vel lienis, hypochondriorum inflatio, cum alvo adstrictiore, incipiens cachexia & hydrops, morbosam hanc sanguinis effusionem induxerunt. Sic enim sub ipsa priora mala ingravescent, obstructions increscunt & obfirmantur ac vitiosa quoque sanguinis & succorum constitutio augetur. Vnde profluvium fit chronicum, tandemque in atrophiam lentamque hecticam febrem, cum extrema virium jactura terminatur.

X. Frequentioris observationis est, nimias sanguinis per sedis venas profusiones ducere ad hydropem, idque præsertim in phlegmaticis & qui rarum corporis obtinent habitum. Si autem hydropi ex hepate indurato supervenit ejusmodi excessiva hæmorrhagia, certum mox subsequutura mortis præbet indicium.

XI. Inter omnes causas ad excitandum perniciousum hunc affectum vix ulla majoris est efficaciam atque momenti, quam animi affectus, ira præsertim ac longius extractus mœror. Ira quidem, in cholericis imprimis, impetuosum sæpe ac effusorem facit fluxum, non tamen adeo gravem ac diuturnum. Sed tristitia, cura animique sollicitudo diuturnior, robur solidorum ac viscerum destruunt, farctus & obstructions obfirmant & malum reddunt gravitate & pertinacia extimescendum, status accedit cachecticus, quo magis magisque confirmato, morbus difficillimæ ac plane frustraneæ curationis evadit, tandemque in hecticam definit funestam.



XII. Demum non novum est, ex suppressio nimium, vel cohibito ordinato mensium, aut hæmorrhoidum fluxu, fieri postea immoderatum, grave & fere immedicabile hæmorrhoidum, aut etiam mensium profluvium, tum maxime, quando a Medicis minus peritis per martialia & vitriolica pharmaca medicatio fuit instituta. Intuta enim admodum sunt hæc medicamenta, & nisi a circumspecto artifice administrantur, damnum inferunt gravissimum.

### CVRATIO.

**V**ariæ & differentis indolis sunt causæ, quæ ad excitandum nimium hæmorrhoidum profluvium faciunt atque concurrunt; ideo variæ etiam medendi sunt indicationes, & varia quoque ac diversæ naturæ ad arcendum illud ac persanandum remedia.

I. Non adeo insolens est, ut in corpore plethorico, restitante aliquandiu sueto alias fluxu, a vehementiori corporis, vel etiam animi commotione, a potu spirituofo liberalius assumto, balneo nimis calido, aut medicamento intestinum sanguinis motum nimium intendente, non modo subito & confertim fiat, sed & solito diutius insistat sanguinis cum pulsu magno & vehementi per hæmorrhoides profusio. Quod ubi accidit, primo omnium divertendus ac derivandus sanguinis impetus, eumque in finem sanguinis missio in brachio, vel brachiorum in liquorem aquoso-vinosum tepidum immissio, apprime ex usu est. Dein usurpanda ea, quæ excedentem intestine



stinum partium in sanguine sulphurearum motum componunt, diluentia maxime & refrigerantia, potus aquæ frigidaë, præsertim chalybeataë, vel mineralis temperataë, feri lactis cum succo citri coacti, aqua plantaginis, fragorum, acetosæ, acetosellæ, decoctum cornu cervi citratum, tinctura rosarum cum spiritu vitrioli præparata, & confecta ex his cum sirupo rosarum julapia. Eundem in finem præstans est virtus nitroforum, nitri tantum purificati, vel artificialis, ex spiritu nitri & sale tartari parati, vel in pulvere cum absorbentibus & roborantibus, vel etiam in potu dati. Porro operam locant egregiam quæ impetuosum solidorum & fluidorum motum placant simulque dolores & spasmos levant, anodyna, inter quæ spectataë virtutis est liquor anodynus mineralis D. PRÆSIDIS, spiritus etiam nitri dulcis rite paratus, aqua item florum chamomillæ vulgaris & summitatum millefolii, nec non ex papaveraceis, semen papaveris albi, sirupus papaveris utriusque, aqua & extractum papaveris, aut si fortioribus utendum, semen hyoscyami.

II. Quando cum virium jaëctura & nobiliorum functionum læsione effusior fluxus insistit diu, incipiensque viscerum labes subest, & magis serosi aquei, quam consistentis fibrosi sanguinis copia delinquit, conferunt quam maxime ea, quæ succos vitiosos ac biliosos clementer paullatimque per alvum educunt simulatque humorum motum a recto intestino ad tunicas & glandulas reliquorum intestinorum diver-

tunt,



tunt, eoque nomine merentur laudem rhabarbarina, cum tamarindis, vel quod idem, cum cremore tartari, in portione elæosaccharo citri condita. Tum quoque temperatoria diaphoretica, corrigendo & expellendo acres humores, officium faciunt opportunum, ibi maxime, ubi scorbutici, vel purpuracei aliquid, aut alius exanthematicæ materiæ, sanguinis & feri contextui alius inhæret. Horum in numero sunt cornu cervi ustum, vel uti vocant philosophice præparatum, unicornu fossile, diaphoreticum antimonium, acetum vini cum lapidibus cancrorum mixtum, aqua galegæ, florum sambuci, cardui benedicti, theriacalis, simplex mistura, diascordium Fracastorii, quæ in potionem lege artis possunt redigi. Nec proletaria virtus est liquoris anodynii mineralis Hoffmanniani, cum quarta liquoris bezoardici Buffiani parte nupti; infusi item theiformis ex millefolio, veronica, pilosella aliisque concinnati & cum dispositione in lecto aut conclavi ad blandum sudorem poti. Atque etiam non possumus non hoc loco merito commendare refractam camphoræ dosin, ad granum dimidium, præsertim quando nitrosis & bezoardicis pulveribus commiscetur. Hac enim ratione acris & caustica materia, quæ sæpe spasmodum æqualem sanguinis com meatum turbantium & hæmorrhagiam largam inducentium causa est, obtunditur & foras ejicitur, simul adstringentium & anodynorum vis, tantisper, ne noceat, refrænatur. Itaque non ineptus censendus ille Veterum mos,

B 3

quo



quo camphoram præcipuis, ad sistendas etiam hæmorrhagias medicinis, commiscuerunt, utut exigua admodum dosi, cuius generis sunt species de hyacintho, diatrion fantali, diatrion Abbatis, trochisci de carabe, Sperniola Crollii, nec non famigeratissimus *Heurnii* ad sistendum sanguinis fluxum pulvis.

III. In graviori illo & difficillimæ medicationis fluxu, qui obstructione, vel infarctu moleque audacta visceris cuiusdam, hepatis, lienis, aut in feminis uteri, nititur; eligenda, si medicinæ adhuc locus, ejusmodi auxilia, quæ dum obstructionum repagula solvunt, humores non nimium commovent. Inter hæc a priscis jam temporibus usu & securitate celebres pilulæ de bdellio Mesue, a FORESTO, SOLENANDRO & RIVERIO laudatæ. Nec contemnendæ pilulæ Beccheriana methodo ex amaris extractis & gummatibus temperatioribus concinnatæ, ita tamen ut aloes in locum, rhabarbari extractum, largius paullo commixtum, surrogetur. Nil vero ad expedienda obstructa aqueis & diluentibus est præstabilius. Vnde quam optime in usum trahuntur minerales aquæ, subtilitate atque temperie nobiles, quarum classem ducunt Antonianæ, Wildungenses & Selteranæ, nec non eæ, quibus commixta tenuissima martis ramenta efficaciorum adhuc aperientem conciliant virtutem, uti sunt Lauchstadienses nostræ & id genus aliæ. Et certe prudens ac moderatus harum aquarum, ad aliquot hebdomades, sub debito regimine & interpositis pilulis dictis, nec non



non elixirii balsamici temperati usu, continuatus potus, palmam præripit reliquis cunctis. MONTANVS præterea in *consiliis*, jus pulli pingue copiose tribus ante prandium horis bibere jubet, eoque plures hoc malo se liberaſſe teſtatur. Majoris tamen adhuc efficaciæ erit, ſi juſculo incoquantur cichorii & ſcorzoneræ radices, aut etiam medicamentum martiale temperatum, cuius generis eſt illa cum pomorum ſucco parata martis tinctura, cum extracto rhabbari, primo mane ſumatur, ac poſtea juſculum bibatur.

IV. Demum inter præcipuas copioſi ſanguinis affluxus & effluxus cauſas referenda merito recti inteſtini, ejus membranarum & vaſorum atonia. Quare adhibenda etiam utique ea, quæ relaxatis nimium & a tono dejectis partibus ſcenerant iterum robur. Interius laude ſua hoc nomine non defraudandæ ſunt ſpecies de hyacintho, trochiſci de carabe Meſues. Ex martialibus eſt maxime ipſe hæmatites in ſubſiſſimum pollinem redactus, tinctura martis cum ſucco aurantiorum confecta, tinctura martis Zvvelteri, vitriolum martis cum teſtis ovorum calcinatis remixtum, crocus martis antimonialis ſubtiliſſimus cum nitro concinnatus, tinctura item florum ſalis ammoniaci martialium cum rectificatiſſimo vini ſpiritu parata & cum æquali portione elixirii amari temperati mixta. Inter reſinoſa & balſamica nobilis eſt virtus ſuccini præparati, vel alcaliſati, extracti caſcarillæ, ſantali rubri. Et hæc omnia cum prudentia

conve-



convenienti ordine ac dosi usurpata, fructu non destituuntur, si modo malum recipit adhuc sanationem.

V. Adhibenda præterea etiam sunt topica constringentia, ad obtinendum effectum speratum. Si igitur venæ in ani limbo varicosæ, citra alvi depositionem, magnam sanguinis, non sine syncopes, vel mortis metu, fundunt copiam, colcothar vitrioli, vel etiam lupi crepitum, sine noxa admovere licet. Tanto magis, si leniora prius adhibita profecerunt nihil, cujus generis est decoctum ex floribus balaustiorum, rosarum rubrarum, malicorio & chinæ cortice cum vino rubro præparatum & cum spongia applicatum. Vbi autem impetus sanguinis effluentis jam jam compositus, ossi sacro cum perinæo & pube apponendum crebrius epithema ex herba menthæ, sumach, floribus rosarum rubrarum, hyperici, rasura ligni fantali rubri, mastiche, cardamomo & chaccarillæ cortice, in vino rubro coctis. Neque minus ad firmandum intestini recti tonum ex usu est, idem hoc decoctum ano injicere syringa.

## CAVTELÆ ET OBSERVATIONES.

### I.

**V**alde adstringentium & opiatorum usus sit cauti-  
tissimus. Neque enim in principio, multo  
minus, quando vires cum sanguine jam exhaustæ,  
utilem locant operam, ac potius in corporibus im-  
becillis & exquisitius sentientis naturæ, spasmodica  
pathe-



pathemata, convulsiva, animi deliquia, summas præcordiorum anxietates, cum tremore & palpitatione cordis concitant.

II. Optime jam monuit HIPPOCRATES; hæmorrhoidibus nimium fluentibus, occlusis reliquis venis, apertam servandam esse unam, ne hydropis vel tabis fiat metus, facta scilicet sanguinis ad pulmones, vel hepar palindromæ. Ut vero effectum hoc proxime intelligendum sit de externis venis nimium fundentibus & per unctionem, vel stiptica occlusis, recte tamen etiam applicari potest, ubi ex internis, uti in nostris solenne est regionibus, effusius sanguinis fit profluvium. Tanto magis, quia has occludere, siue potius fluxum sistere, non ita promptum est & per validiora interna perficiendum, quod si non perite ac valde circumspicte adornatur, damnum redundat effato HIPPOCRATIS certissime.

III. Quando gravem ex hæmorrhoidalibus locis hæmorrhagiam subito sublatam, summæ præcordiorum inflationes, anxietates cum inquietudine & angustia excipiunt, revocandus lenioribus elicientibus & laxantibus est fluxus, clysteribus quoque emollientibus ac diaphoreticis.

IV. De phlebotomiæ usu tenendum: eandem non facile in ægro absente esse adornandam; eo quod multum refert, ut conveniens sanguinis quantitas emittatur. Etenim in principio, si corpus sanguine valde turget, ad derivandum, major ejus copia ex brachii vena poterit subtrahi. At ubi jam  
C mul-



multum cruoris sponte effusum, parcior & partitis vicibus instituenda est missio.

V. Nitrosa, acidula & refrigerantia, uti in principio, & ubi ingens æstus & orgasinus sanguinis præsto est, usurpantur cum euphoria; ita minus tutus eorundem est usus, sanguine cum viribus jam nimium profuso, & ubi ex viscerum obstructorum labe fluxus est symptomaticus. Eadem etiam cautio tenenda circa hypnotica, opiata & narcotica, quæ liberalius oblata inducunt plane insaniam.

VI. In medicatione præmittenda sanguinis missio & primarum viarum repurgatio cum temperantibus, ac postea roborantia & leniter adstringentia interna & externa, supra commemorata tuto adhibere licet. Ex nimia enim sanguinis profusione tanta oritur imbecillitas, ut medicamenta efficaciora rarius cum felici successu postea adhibere sit integrum. Generalis quippe medendi est regula: quo major naturæ est imbecillitas, eo leniora & diætetica magis remedia, minus vero validiora pharmaceutica usurpare decet.

VII. Ne adstringentia, si iis opus est, noxam inferant, consultum est subungere diluentia, temperantia & leniora laxantia, inter quæ tamarindinata & rhabarbarina sunt commodissima. Omni autem modo cavendum ab acrioribus, etiam fennæ foliis, ne inducatur recidiva.

IIIX, Vbi atrox dolor & spasmus sub prima lumborum vertebra nimiam sanguinis movet effusionem, placan-



placandus is est. Præstat id efficaciter emplastrum, ex emplastro spermatis ranarum, hyosciami oleo, camphora & saccharo saturni. Neque etiam utilitate caret suffimigium ex thure, mastiche, succino, rasura eboris, quod infundibuli ope posterioribus immisum, firmat remissum nimis tonum, anum prolapsum retrahit simulque spasmō stricta mulcet.

IX. Si ullo in morbo exquisita vitæ victusque ratione opus est; in hoc certe id quam maxime necessarium, eaque neglecta, auxiliis vel præstantissimis obtinendum nihil. Quocirca ægris commendanda serio abstinentia a fructibus horæis, leguminibus, acetariis, lacticiiniis, carnibus vetustis, induratis fumo atque salitis, ab aromatibus, allio, cepis, vino potenti spirituosisque cunctis. Dissuadendæ etiam omnes impeniores corporis commotiones, per equitationem maxime & vecturam, in locis præsertim lapidosiis & inæqualibus, & placidum potius motus genus, supernam potius, quam inferiorem corporis regionem afficiens, sub cælo amœno sereno concedendum. Nihil vero sic laborantibus perniciosius animi commotione, ira in primis ac terrore, unde occasio ad eas studiose præscindenda omnis. Neque minus multum interest, ut congruo potu utatur hæmorrhoidibus effusis obnoxius. Nos quidem potum aquæ chalybeatæ, vel simplicem, vel vino, præsertim Gallico Pontack, mixtum, item decoctum fantali rubri cum mastiche, & mane infusum summitatum millefolii, commendare solemus.



X. Composito morboſo hæmorrhoidum profluvio, ne iterum erumpat, danda eſt opera Obtinendum id exacta vivendi, modo commendata, ratione, ſanguinis miſſione, ter, vel quater quotannis inſtituta, primæ regionis quovis menſe per epicraſin repurgatione, ac dextro aquarum mineralium uſu.

#### OBSERVATIO. I.

Celeberrimi nominis vir, corpore plenus atque robuſtus, ſexageſimum tertium ætatis annum egreſſus, a multis jam annis liberale ſanguinis per venas ſedis paſſus eſt ſtillicidium, fere menſtrum, eodemque rite ſuccedente, valetudinis incommoda ſenſit nulla. Sed poſteaquam diuturno affectus fuerat cum tacita iracundia moerore, reſtitit hæmorrhoidum fluxus, & facies ante florida, facta flaveſcens & flaccida, cum oculorum intumeſcentia. Ob metum igitur cachexiæ Pyrmontanas adiit acidulas eaſdemque ingenti in copia hauſit, neque tamen in, neque poſt earum uſum, conveniens coluit in vita victuque regimen. Inde effuſiſſimus ſanguinis puri per anum ſequutus eſt fluxus, non compeſcibilis, licet nitroſis pulveribus Beccherianisque pilulis uteretur. Pedes potius facti œdematoſi, venter intumuit, vires collapſæ, anhelitus factus difficilis, ſuperiora contabuerunt tandemque excepit mors.

#### *Epicriſis.*

Nihil certe ex animi etiam commotionibus hæmorrhoidariis eſt pernicioſius, quam angor & mœſtitia



stitia diutius extracta, quæ vires, tonum ac robur partium labefactando, efficit primum stagnationes, quæ postea obfirmando in abdominis visceribus infarctus, excessivas inducunt hæmorrhagias atque funestas. Pyrmontanæ autem acidulæ, si quis illis uti velit cum fructu, exquisitum postulant regimen, tam sub, quam aliquot hebdomades post usum, tanto magis, si potans jam tum viscerum affectus est labe. Quod quia in nostro non factum, sed potus pro lubitu, sine observatione debita institutus, malum exacerbatum & ad exitum tristem traductum esse, non est mirandum, nec ea propter dextro usui quicquam detrahendum.

#### OBSERVATIO II.

Judæus annorum quinquaginta, natus patre hæmorrhoidario, & ipse a prima statim ætate sanguinis stillicidiis, in variolarum quidem & morbillorum morbo e naribus, ac postea hæmoptysi obnoxius, quadragesimo anno cœpit primum pati hæmorrhoidalem fluxum, qui postea singulis fere mensibus, ac nonnunquam sub fortiori in itinere maxime corporis commotione, rediit effusior. Quod quum sine sanitatis detrimento contingeret, tulit patienter, sed quum aliquot abhinc annis insisteret profluvium diutius idque largum, inde admodum fuit debilitatus, & appetentia cum digestionem labefactata. Quare ut auxilium quæreret fuit coactus ad moderandum fluxum. Ex variis autem multisque remediis obtinuit nullum. Optimum tamen tulit antimonii tinctura, ex sale tartari & regulo antimonii parata, & non tam acris, quam



quam quæ cum nitro conficitur, in cuius uncia soluta camphoræ drachma dimidia, & mane vespereque cum aquæ frigidæ haustu sumtæ guttæ viginti.

*Epicrisis.*

Perperam utique putant minus periti nonnulli, camphoram nimium concitare sanguinis æstuosum orgasmum eaque propter esse reformidandam, multo minus in immodicis sanguinis fluxionibus in usum trahendam. Alia enim omnia docet experientia, quin camphora, quandoque etiam in majori paullo dosi, ad scrupulum unum sumta, plus refrigerii sentitur, quam incallescenciæ. Veteres sane non adeo alieni fuerunt a camphoræ usu, sed eandem præstantissimarum medicinarum compositionibus commiscuerunt multis, ut quidem ex Augustana patet pharmacopœa. Ne dicam, RIVERIVM & nos quoque eadem in inflammationibus, in malignis, magno cum emolumento in dosi non exigua fuisse usos. Atque etiam in nimis hæmorrhagiis, roborans simulatque anodyna camphoræ virtus utilitatis est maximæ, inprimis si aliis medicamentis sociatur & parva dosi exhibetur. Cum antimonii potissimum tinctura mixta camphora, diuresin neque minus diaphoresin augendo ac imbecilles partes roborando, sanguinis & seri affluxum a recto intestino divertit aliorsum ac ob id eximie prodest.

OBSERVATIO III.

Virgo novem ac decem annos habens, venæsectionem nunquam passa, sed nimio mensium fluxui subinde obnoxia, cruentas experta est sedes, sine molestia tamen atque dolore, idque per dies aliquot. At

cum



cum gravi percieretur iracundia, ingentem sanguinis puri ac sinceri alvo exclusit copiam, non sine summa virium jactura. Substitit tamen rursus effusus hoc profluvium, quin hausto frigido potu, fluxus restitit penitus, unde ingentes incurrit præcordiorum anxietates & constrictiones, quasi convelleretur cor ipsum, als wenns ihr das Herz abstossen wolte, extrema facta frigida, facies rubicunda, venæ in capite inflatæ, arteriæ pulsarunt valide ac celeriter cum quadam duritie. Datus ipsi pulvis ex diaphoretico antimonio, cancrorum lapidibus, nitro & cinnabari, cum infuso summitatum millefolii, data quoque simplex mixtura cum croco, & habuit melius.

*Epicrisis.*

Feminas etiam hæmorrhoides pati, non novum est; neque etiam rarum, iræ affectum fluxum earum reddere immoderatum; id vero non adeo obvium, solum frigidum haustum sub ipso fluxu tam gravia concitare posse pathemata. At frigus nervosis partibus spasmo jamjam affectis, uti fit sub iracundia, est inimicissimum, & intensiores spasticas constrictiones augendo, tam gravia pathemata inducere valet utique.

OBSERVATIO. IV.

Præfectus militum quadragenario major, natura sanguineus atque robustus, a multis jam annis expertus fuerat hæmorrhoidum fluxum cum euphoria. Sed quum a sueto vini Rhenani potu transfiret ad vini Gallici Pontack potum, elapso aliquot mensium spatio, hæmorrhoides præter morem sunt retentæ & succes-



successerunt dolores atrocissimi in lumbis & abdomine, cum virium dejectione, inappetentia, vigilia pulsuque celeri & frequenti. Exhibita vero ter laxante potione ex tamarindis, rhabarbaro & passulis minoribus, non modo soluta est alvus, sed & ingens nigri & congrumati sanguinis copia excreta, summo cum levamine. Diutius tamen quam par erat insistebat fluxus sanguinolentus, quo quia vires, nimium atterebantur, datum est electuarium ex rosarum conserva, speciebus de hyacintho, succino, croco martis tenui & granatorum sirupo, cujus usu ad hebdomadem continuato, ad sanitatem traductus est æger.

*Epicripsis.*

Vina illa Gallica coloris saturate rubicundi, uti est Pontack atque Claret, si sine aqua & liberaliter bibuntur, propter adstrictionem quam alvo præstant, utilia sunt minime, sed experientia teste, admodum noxia. Vnde omnibus etiam modis in periodicis & criticis sanguinis evacuationibus sunt vitanda, atque etiam in ipsis excedentibus hæmorrhagiis provide adhibenda. In omnibus autem hæmorrhoidalibus affectibus, siue sanguis fuerit suppressus, siue fluxerit immoderatus, præstantius non datur atque accommodatius purgans, quam quod nostro datum, quo diuturnum etiam fluxum, a copia serosi ac biliosi sanguinis oriundum, feliciter sanatum fuisse, vidit multoties D. PRÆSES.

**FINIS.**